

«ՄՇԱԿ» ԹԵՐԹԸ 1877—1878 ԹԹ. ՌՌՍ-ԹՌՐՔԱԿԱՆ  
ՊԱՏԵՐԱԶՄԻ ՏԱՐԻՆԵՐԻՆ

Բանասիր. գիտ. բեկնածու Ա. Ա. ԽԱՌԱՏՅԱՆ

1877—1878 թթ. ռուս-թուրքական պատերազմի նախօրեին Գր. Արծրունու «Մշակը» ուշադրությամբ հետևում էր Արևմտյան Հայաստանի ազգային ու տնտեսական ծանր կացությանը և Օսմանյան Թուրքիայի արտաքին քաղաքական իրավրճակին: Բռնակալության դեմ ոտքի ելած բալկանյան ժողովուրդների պայքարը ոգևորում էր Արծրունուն և նրա հասախոհներին, որոնք արևմտահայերի փրկությանը որոնում էին ժողովրդը բնագործության մեջ: 1876-ի վերջերից մինչև 1880-ական թթ. սկզբները «Մշակն» իր շքերթ հիմնական մասը նվիրում է արևմտահայ իրականության խնդիրներին, տպարանում տեղերից առաքված թղթակցություններ, սշտապես տեղեկություններ տալիս հայ զավառը և Կ. Պոլսի իրադարձությունների, Թուրքիայի արտաքին քաղաքականության մասին:

Արևմտահայերի հարցի արծարծումը «Մշակի» էջերում, ըստ էության, սկիզբ է առնում 1876-ից: Կ. Պոլսում գումարված դեսպանաժողովից թերթն ակնկալում էր նաև հայերի վիճակի քննարկումը: Այդ օրերին իսկ Արծրունին ցուց էր տալիս, որ ամենևին չի հավատում Թուրքիայի տիրապետության պայմաններում արևմտահայերի կյանքի բարվոքման որևէ հեռանկարի: Լաև նուանդադին էր, էր անում ռուսական մամուլին՝ պրոպագանդելու հայ ժողովրդի ազատագրման գործը, և այս իրողությունը վկայում է. որ «Մշակի» խմբագիրը նշված հարցի լուծումը ի սկզբունք կապել է Ռուսաստանի միջամտության հետ: Ռուսաստանի արտաքին քաղաքական դիրքը Թուրքիայի նկատմամբ, բալկանյան ժողովուրդների ազատագրական պայքարին օժանդակելը, փաստորեն, բնագործում էին նրա ազատագրական դերը կայսրության մյուս հպատակ ժողովուրդների աչքում: «Մշակի» պատկերացումները արևմտահայերի ազատագրության վերաբերյալ ձևավորվել են և՛ Ռուսաստանի քաղաքական վերոհիշյալ դիրքի, և՛ թուրքական բռնակալության ներքո հեծող ժողովուրդների տրամադրությունների ակնհայտ ազդեցությամբ: Ազատագրական պայքարի գաղափարախոսությունը, որին հետևում էր «Մշակը», պորժնական հիմնավորում էր գտել սլավոնական ժողովուրդների հերոսական բնույթների մեջ: Մշակականներին առանձնապես ոգևորում էր Ռուսաստանի վճռականությունը վերջիններիս պաշտպանության գործում: Մակայն տերությունների միջև խորացող հակասությունները Արծրունուն հույսեր չէին ներշնչում դեսպանաժողովի բարեհաջող ավարտի մասին: Ընդդեմ այս շքերթանի տրամադրություններն ի հայտ է բերել նրա թղթակիցներից մեկը. «Մի հայ խնդիր երևան ելավ,— գրում է նա,— որ մի օր օրինավոր լուծում պիտի ունենա անշուշտ, թե ոչ Կոստանդնուպոլիսի դեսպանաժողովին մեջ, գեղ պատերազմի դաշտին վրա, զի հայն հասուցված է այժմ, թե շարտի կարև-

նա իւսադադ ամիջոցներով պաշտպանել յուր իրավունք, և թէ ժամանակ է վարդան Աամիկոնչւանի դարն վերակենդանացնել, թող Հայաստան զոհ տա մի քանի հազար հայ քաջեր, բավ է, որ յուր մյուս որդիներ ազատ և երջանիկ սկսին ապրիլ»<sup>1</sup>:

Կոնֆերանսից Արծրունին առանձնապես սպասելիքներ շուներ նաև պատրիարք Ն. Վարժապետյանի բռնած դիրքի պատճառով. որը, ըստ Երևույթին, ոչ առանց Բ. Դոան հանձնարարականի, կոնֆերանսում արած իր հայտառարութիւն մեջ հակական հարստահարութիւնների հարցը ներկայացրել էր որպես Թուրքիայի ներքին գործ<sup>2</sup>:

Ռուս-թուրքական պատերազմի սկիզբը ցույց էր տալիս, որ Արևելյան հարստութիւնները է տերութիւնների ուղղման ընդհարման փուլը, անորոշ քաղաքական մթնոլորտը փոխարինվում էր վճռական անցքերով հղի մի իրադրութիւնով, որի խորքերում «Մշակ» նշմարում էր Թուրքիայի ճնշված ազգութիւնների համար ճակատագրական պահը: Արծրունու կարծիքով արդեն իրողութիւն էր դառնում այդ ազգութիւնների ազատագրման կարևոր մի հանգամանքը՝ արտաքին քաղաքական ու ուղղման միջամտութիւնը: Արևմտահայերին մնում էր իրագործել դրա երկրորդ պայմանը՝ ղինված ապստամբութիւնը, որը պետք է նպաստեր Ռուսաստանի հաղթանակին: Արծրունին այդ օրերին գրում է, թե Ռուսաստանը հանդես էր գալիս ճնշված ազգերի ազատութիւն պաշտպանի առաքելութիւնով: «Այն անվերջանալի Արևելյան խնդիրը... սսճոսս ոչ թե անորոշ դիւլոմատիական բանակցութիւններով, այլ սրով և արյունով»<sup>3</sup>, — գրում էր նա: 1877 թ. ապրիլից սկսած «Մշակը» իր գրեթե բոլոր առաջնորդողները նվիրում էր Ռուս-թուրքական պատերազմին, անդրադառնում էր ուղղման կատարների իրադրութիւնը, դիվանագիտական անցուղարձին: Դրանցում ամենուրեք ի հայտ էր գալիս սարբերականի Ռուսական կողմնորոշումը, Թուրքիայի հպատակ ազգութիւնների ազատագրման գործում Ռուսաստանի նշանակութիւն ընդգծումը:

«Կ. Կոյսի և Ասիայի հայերը» առաջնորդողում հայ բուրժուական վերնախավը ու պաշտօններով ղասի շահագիտական, ինչպես նաև ղուտ դասային նախասիրութիւններով արտահայտվող վարքագիծը Արծրունին բացատրում էր Թուրքական տիրողների կողմից կաշառված լինելու հանպամանքով: Այդ վերնախավը, բացահայտում էր նա, և բացառապես ինքը, վայելում էր ազգային սահմանադրութիւն շնորհները, անխղճորեն հարստահարում էր գավառացուն՝ իր քաղաքական հնազանդութիւնով փոխհատուցելով Թուրքական պետութիւնը: Սինչդեռ իրավագուրկ և բռնադատող գավառացին իր տնտեսական և հասարակական շահերը կապակցում էր միայն քաղաքական ազատագրութիւն հետ. ուստի անհամբերութիւնով էր սպասում «ոուսաց գործի» իր հայրենիքը սանելը»<sup>4</sup>:

Արևմտյան Հայաստանի՝ Ռուսաստանին միանալու հեռանկարը փափայող «Մշակի» ղործիչներին տագնապով էր համակում արևմտահայերի գաղթը, որ սպառնալի ղափերի էր հասել: Գաղթը սկսվել էր դեռևս պատեր-

<sup>1</sup> «Մշակ», 1877, № 3:

<sup>2</sup> Նույն տեղում, № 5:

<sup>3</sup> Նույն տեղում, № 26:

<sup>4</sup> Նույն տեղում, № 27:

րազմից առաջ, սահմանամերձ գյուղերը մտած թուրքական զորքերի գործադրած բռնությունների հետևանքով: Ալեքսանդրապոլից դրած իր «Հայօրի նակատագիրը» թղթակցության մեջ Րաֆֆին եզրակացնում էր, թե ստորոծված բացառիկ ոժվարիս պայսաններում, երբ սուլեղնում են թուրքական զորքերն ու քրդական հրոսախմբերը, հայերը կամ պետք է գաղթեն և կամ դիմեն նոտնափոխության<sup>5</sup>: Ըստ հանրապետ «Մշակի» թղթակիցները լուրջ ուշադրություն են դարձրել գաղթի առաջին և սոցիալական հետևանքների վրա: Այն կանխելու համար լեռների աշխատակից Հորոն առաջարկում էր արևմտահայերին շահագործել սեփական հողերի մշակությամբ, դարգացնել երկրագործական և գյուղատնտեսական արհեստները<sup>6</sup>: Դաղթի պատճառների ազգային-քաղաքական բովանդակության մեջ էր փորձում խորանալ Յունրուսը՝ «Ազգայնության խնդիրը և հայ գաղթականության նշանակությունը» հոգվածում<sup>7</sup>: Եվրոպայի անտարբերությունը արևմտահայերի տառապանքների հանդեպ նա բացատրում էր այն բանով, որ գաղթելով, հայերը կորցնում են իրենց ազգային հատկանիշները՝ լեզուն և կրոնը: Գաղթականությունն է պատճառը, որ նրանք չեն կարողանում իրենց պաշտպանել: Յունիուսը, ինչպես տեսնում ենք, ազատագրական պայքարի կոչ չի անում, ընդդիմության գաղափարը նրա համար սահմանափակվում է միայն ինքնապաշտպանության սկզբունքի առաջադրմամբ: Այս հարցում «Մշակի» վերաբերմունքին առավել մոտ էր նրա Վանի թղթակից Մ. Փ.-ի (Մկրտիչ Փորթուգալյան) տեսակետը: Իր մի թղթակցության մեջ նա հայտնում էր, որ միայն Վանից 4. Պոլիս է գաղթել 20.000 մարդ: Նա ցնցող պատկերներով է ներկայացրել 4. Պոլսի Գասրմ փաշայի և Ռրղաթ բազարի խաներում ապաստանած պանդուխտ հայերի վիճակը<sup>8</sup>: Հեղինակը գաղթի պատճառը համարում է այն, որ արևմտահայը գուրկ է կլանքի, պատվի, ստացվածքի ապահովությունից: Նա նշում է նաև վաշխառուների անգթությունը և գյուղացու տգիտությունը՝ եզրակացնելով, որ այդ բոլոր պատճառները վերացնելու համար անհրաժեշտ է բնկերություններ հիմնել: Վերջիններս պետք է կառուցվեն հարստահարվողների վիճակից ինքնապաշտպանությունը, հող գնեն և տրամադրեն գյուղացուն, լուսավորություն տտրածեն և այլն<sup>9</sup>: Պայքարի և գործելու նույն վճռականությունն էր արտահայտում մեկ այլ թղթակից: Պալքարը նա համարում է պարտքի գործ՝ «Լավ է մեռնել, քան թե ապրել տյղպիսի լուծի տակ»<sup>10</sup>:

«Մշակի» թղթակիցները ուշադրություն են դարձնում նաև տնտեսական այն անտանելի պայմաններին, որոնց հասնանքով արևմտահայ գյուղացին ստիպված հեռանում էր հայրենիքից: Արժրունին և Բաֆֆին իրենց հոգվածներում քանիցս անդրադարձել են այն իրողությանը, որ արևմտահայ դավաոր փոշիանում է հարստահարությունների պատճառով: Դավառում վաշխառուից առավել քայքայիչ դեր ունեն հարկման թուրքական համակարգը: Լավատեղյակ հեղինակնորից մեկը այս կապակցությամբ գրում էր. «Հողի»

<sup>5</sup> Նույն տեղում, № 10:

<sup>6</sup> Նույն տեղում, № 27:

<sup>7</sup> Նույն տեղում, № 57:

<sup>8</sup> Նույն տեղում, № 61:

<sup>9</sup> Նույն տեղում, № 63:

<sup>10</sup> Նույն տեղում, № 72:

կամ արդյունքների հարկերը սահմանվում են ոչ պակաս, քան 4—5 տարվա համար: Յուրաքանչյուր առանձին շոտանում սեփականատերերը պատասխանատու են ամբողջ քանակի համար և, հետևաբար, քանի որ նրանց քանակը նվազում է. հարկի մեծ մասն ընկնում է նրանցից յուրաքանչյուրի վրա, որ առավել նվազեցնում է երկրագործության օգտապարուժյունը»<sup>11</sup>: Ավելորդ է ասել, որ գրանից բխող հետեանքների սուսակել ծանրությամբ ընկնում էին իրավագուրկ հայ հողագործի ուսերին: «Կակասը լրացնում էին թուրք և քուրդ հողատերերը: «Եվ ահա,— գրում է մի այլ հեղինակ,— շնորհիվ ուժեղի գերագույն իրավունքի, բռնի կերպով դրավում են երկրագործ ժողովրդը սերնդից սերունդ տիրապետած և թափուններով հաստատված մեծաքանակ հողերը՝ շնորհիվ այդ իրավունքի... դյուղացիությունը արագ կերպով և խոշոր շափերով զրկվում է հողից, ապրուստի միջոցներից և դառնում հողագուրկ»<sup>12</sup>: Նկատենք, որ ուս-թուրքական պատերազմից հետո թուրքական կառավարությունը էլ ավելի ծանրացրեց հարկային լուծն արևմտահայ գաղափարում:

«Մշակի» նյութերում լայնորեն լուսաբանվել է հայաբնակ թիկունքը ավերելու՝ թուրքական գործերի և իշխանությունների գործելակերպը: Ռուսաստանին միանալու արևմտահայերի բուռն ձգտումներին, ռուսական զորքերին ցույց տրվող օգնության և խորին համակրանքի դրսևորումներին թուրքական կառավարողներն ամենուրեք հակադրեցին ժողովրդի ֆիզիկական ոչնչացման և դաժան ճնշման քաղաքականությունը: «Մշակը» բազմաթիվ տեղեկություններ ու փաստեր է բերել արևմտահայ մամուլից, որոնք նկարագրում էին թուրքական զորքերի և բրդերի գործած նախնիները հայաբնակ գաղափարում: Քրդերը, հայտնում է թերթը, «չասպուրականում ավերել են 19 հայկական գյուղ, հայ գավառացիները կոտորածներից ազատվելու համար փախել-ապաստանել են սարերում և կամ ուժեղ երկրով մեկ»<sup>13</sup>: Խաղաղ բնակչության նկատմամբ կատարված բռնությունների առթիվ իշխանությունները հետաքննություն էին սկսում: Բ վերջո, հանցավոր էին ճանաչվում հայ դյուղացիները, որոնց դաժանորեն պատժելով՝ ամբողջացնում և օրինականացնում էին իուսթանի կիսատ թողած ունիները: 1876-ի դեկտեմբերին Վանում մոլեգնած հրդեհի հետաքննությունն ավարտվեց համանսան հանդամանքներում: Հանձնաժողովը իրողությունը ձևակերպեց որպես մի ակտ, «...որով թուրք հասարակությանն և զորքերն կարողարացներ և մինչև իսկ կողոպուտի գործն ալ հայերի վրա նձսեո»<sup>14</sup>: «Մշակում» բացահայտվում են կանոնավոր զորքերի կիրառած բռնությունները Բայազետում, Ալաշկերտում, Արծկեում և այլուր: Թերթի այս բովանդակության նյութերը ևս ապացուցում են, որ արևմտահայերի բնաջնջման ուղղությամբ կատարված թուրքական առաջին ձեռնարկները սկիզբ են տոել 1877—1878 թթ. ուս-թուրքական պատերազմի տարիներին<sup>15</sup>: Դրանք սոսկ ռազմական իրադրությամբ պայմանավորված ծայրահեղություններ չէին. այլ

11 S. Redcliffe, The Eastern Question, London, 1881, էջ 87.

12 Ա.-դ. ռ. վանի, Բիթլիսի և էրզրումի միալեթնեո. Երևան, 1912, էջ 273:

13 «Մշակ», 1877, № 46:

14 Նույն տեղում:

15 Մ. Գ. Նեբուխյան, Հայ ժողովրդի ազատագրական պայքարը թուրքական բռնապետության դեմ, Երևան, 1955, էջ 337:

պետական որոշակի բաղաբականության արտահայտություն, եթե նկատի ունենանք նաև այն հանգամանքը, որ մահմեդական զանգվածներին բալկաններից Արևմտյան Հայաստան տեղափոխելով<sup>16</sup>, թուրքական կառավարությունը ձգտում էր վերաբնակեցնել հայկական ամայացող հողերը:

Վկայակոչելով այս աղետները, Արծրունին իրավացիորեն եզրակացնում էր, որ տնտեսական-լուսավորական միջոցառումները և բնդհանրապես գավառի վիճակի բարվոքման հնարավորությունները թուրքական բոնասպետության պայմաններում բացառվում են: «Մենք կարող ենք, այնուամենայնիվ, այս համոզմունքի մնալ,— գրում էր նա,— որ թուրքաց տերության պես վայրենի, բարբարոս տերութենից իրավունքներ պահանջելու համար ուրիշ ճանապարհ չկա, եթե ոչ՝ զենքը ձեռքին արյուն թափելով»<sup>17</sup>: Արևմտահայերի աղատարական տրամադրությունները բորբոքելու նպատակով «Մշակը» վկայակոչում էր բալկանյան ապստամբած ժողովուրդների քաջարի պայքարը, ռուսական զենքի՝ միմյանց հաջորդող հաղթանակները և այլն: «Ինքնապաշտպանության սրբազան իրավունքը» պրոպագանդը «Մշակի» էջերում գերաճում-հասնում էր աղատագրական պայքարի կոչի: «Ազատությունը տրվում է այն աղյերին,— գրում էր Արծրունին,— որոնք իրանց ազատությունը սրով պաշտպանել գոտեն: Առանց արյունի ազատություն չկա. որպես առանց զոհերի՝ փրկություն»:

Նշված ժամանակաշրջանում «Մշակի» հակաթուրքական պրոպագանդի պլիավոր կողմերից մեկը պեաք է համարել նրա հետևողականորեն կիրառած գիծը՝ արևմտահայերի նկատմամբ թուրքական կառավարության թշնամական ռեոթո պարզաբանելու գործում: Թերթը մեկնաբանում էր Բ. Դուան ապակոռմնորոշող գործողությունները, Կ. Պոլսի բուրժուակղերական վերնախավին սիրաշահելու իսկական նպատակները: «Մատրիարքին շքանշան պարգևավելը, մի որևէ հայի բարձրաստիճան պաշտոնի նշանակելը, նկատում էր Արծրունին, սոսկ աչքակապություն է, դիվանագիտական խարկանք: Մի ամբողջ ազգ խեղդելուց հետո, շարունակում է նա, սուլթանը չի կարող արժանանալ այդ աղգի համակրանքին: Կառավարությունը սաում է, երբ պատճառաբանում է, թե չի կարող գսպել քրդերի և շերքեզների գաղանությունները, բնդհակառակն, նա ինքն է կազմակերպում այդ հորդաններին և կանխամտածված կերպով նրանց պղտոր հեղեղն ուղղում դեպի անպաշտպան գավառները»<sup>18</sup>: Թուրքական իշխանությունների մերկացման մեջ «Մշակի» մի նամակագիր տեսնում էր ժողովրդին ներքնապես ազատագրելու կարևոր աղղակ, որ վերջնականապես կառատի նրան տերության սին խոստումների հետ կապված պատրանքներից: Նա նկատում է, որ այսպիսի արգեն բացահայտորեն բնդոհմանում են Բ. Դուան հրամաններին. «Երբ այդ իշխանությունը անարժան կլինի կառավարության անունին, երբ դա բունավորություն կլինի և երբ այդ բունավորությունը իր վերջին ծայրը կհասնի, այն ժամանակ ապստամբությունը անդամ սրբազան պարտք կգառնա հարստահարված և ճնշված ժո-

16 А. Ф. Миллер, Краткая история Турции, М., 1948, էջ 106:

17 «Մշակ», 1877, № 63:

18 Նույն տեղում, 1878, № 22:

19 Նույն տեղում, 1877, № 63:

դոզրդի համար»<sup>20</sup>, նամակագիրը հավանաբար նկատի ուներ արևմտահայերի գինվորագրության հարցի առթիվ Կ. Պոլսի ազգային ժողովի ստանկան դիրքը կառավարության հրահանգների նկատմամբ: Կ. Պոլսի հայ աշխատավորության ճնշման ներքո այդ ժողովը մերժել էր գինվորագրության առաջարկը<sup>21</sup>: Թերևս սա այն բացառիկ դեպքերից մեկն էր, երբ ազգային ժողովը սահմանադրությունն օգտագործեց Բ. Դոան կամքին հակառակ: Խ. Նար-Պեյր և Մ. Իգմիրլյանը իրենց մերժումը պատճառաբանեցին նրանով, որ արևմտահայերի ազգային սահմանադրությունը երաշխավորում է իղձի և կրոնի ազատություն, մինչդեռ պատերազմը թուրքերի կողմից հռչակված է իբրև կրոնական, սրբազան պատերազմ, ուստի և հայերը չեն կարող ընդդեմ գնալ իրենց իղձին ու համոզմունքին և մասնակցել դրան: Հարցը, ի վերջո, հանձնվեց եկեղեցական համագումար ժողովին, որն իր հերթին մերժեց այն: «Հայերը Ասիայում ոուսաց հաջողություններից բաժանվելով, — գրում էր այդ առթիվ «Երուսի» թղթակիցը, — այժմ գլուխ են բարձրացնում և ոչինչ այնպես չեն ցանկանում, ինչպես բոլորովին ազատվել թուրքաց տիրապետությունից»<sup>22</sup>: Այդ խնդրի առթիվ «Մշակը» տպագրել է մի քանի հոդված, նաև արտատպություններ Կ. Պոլսի «Տեմպս» և «Սթանդարդ» թերթերից: «Մշակը» սուր քննադատության ենթարկեց առանձնապես «Սթանդարդի» դիրքը, որը ազգային ժողովի մերժումը համարում էր «ապստամբություն և ապերախություն»՝ «բարեխնամ կառավարության» շնորհների դիմաց: «Մշակը» մեղքերում է նաև «Մանգումեի էֆբյար» թերթի պատասխան հոդվածը, որտեղ ցույց է տրվում, որ «Սթանդարդը» Թուրքիայում պաշտպանում է անգլիական քաղաքականության շահերը<sup>23</sup>:

Հպատակ ժողովուրդներին մոլորեցնելու՝ Բ. Դոան ջանքերի մերկացմանն էր ուղղված նաև «Մշակի»՝ վերաբերմունքը թուրքական սահմանադրության նկատմամբ: Առհասարակ թերթը մշտական ուշադրություն է դարձրել հպատակների իրավահավասարության վերաբերյալ թուրքական պրոպագանդի նսլաաակները բացահայտելու գործին: Որպես իրավական անտ, սահմանադրությունը Արժրունին ածանցում էր տվյալ երկրի տնտեսության ու հոգևոր կուլտուրայի, հասարակական իրականության որոշակի մակարդակից: «Սահմանադրական կառավարությունը, — գրում էր նա, — հարեմի, մահմեդականության, դորանի և անսահման իշխանության հետ կրքեք հարմարվել չէ կարող»<sup>24</sup>: Արժրունին նկատում էր, որ թուրք սահմանադրականները ճնշված ժողովուրդներին պանում են իրենց շովինիզմով: Կայսրության մեջ թուրք ազգի տիրապետող դիրքի և մյուս ժողովուրդների հետ համեմատած՝ մտավոր

20 Նույն տեղում, 1878, № 13:

21 Օսմանյան կայսրության մեջ քրիստոնյաները խորշում էին բունակալ պետության բանակում ծառայելու մտքից և գերադասում էին տալ «բեգլիկ ասկերի» հարկը: Այն գանձվում էր երեք ամսականից բարձր հասակի երեխաներից սկսած, անկախ հարկվողի ֆիզիկական վիճակից: Ըստ էության, այդ հարկը ժողովուրդներին կողոպտելու միջոց էր, մանավանդ պատերազմական դրության ժամանակ: 1877—1878 թթ. ռուս-թուրքական պատերազմի նախօրեին քրիստոնյաներից միանվագ գանձվել էր երկու տարվա հարկ (Մ. Բ. Мегрелидзе, Закавказье в русско-турецкой войне 1877—1878 гг., Тбилиси, 1972, էջ 258):

22 «Մշակ», 1878, № 3:

23 Նույն տեղում, № 7:

24 «Մշակ», 1877, № 5:

և իմացական կարծեցյալ առավելությունների ընդդժմումով<sup>25</sup> «նոր օսմանները» ապացուցում էին. որ կանգնել են ազգային հարցի գնահատման ամենահետադիմական դիրքերում: «Թուրքիայի սահմանադրությունը» առաջնորդողում Արծրունին առավել հանդամանորեն էր քննարկում դրա բովանդակությունը՝ ելակետ ունենալով օսմանիղմի ազգայնական դոկտրինաների արտահայտության առկայությունը: Լեզվի և դավանանքների ազատության և իրավահավասարության անտեսումը հօդուտ տիրապետող ազգի, դրում էր նա, զավեշտական է դարձնում այդ սահմանադրությունը: Հալատակ ազգերի իրավագրկության և կեղեքման պայմաններում դատարկ հնչյունի են վերածվում «միասնական հայրենիքի» և «օսմանցիության» մասին արվող հայտարարությունները: «Մշակի» իմբադիրը անհիսն էր համարում «նոր օսմանների» նկրտումները, որոնք «... իոսում են երևակայական թուրքաց հայրենիքի վրա... և մահմեդականության... որպես պետական կրոնի վրա»<sup>27</sup>: Նույն տեսակետն էր դարգացնում Արծրունին «Թուրքիայի ապագան» առաջնորդողում: Կուրացած ազգայնամուլ ձղտումներով, նկատում էր նա, «նոր օսմանները» իոսույմ են ազգությունների մեջ քաղաքակրթություն ծավալելու օղտին, մինչդեռ այդ ազգությունները դտնվում են քաղաքակրթության ավելի բարձր աստիճանի վրա, քան աիրապետողները<sup>27</sup>:

Թուրքական սահմանադրության ստեղծողներից՝ Միղհատի դործունեության պսակաղերծումով ևս Արծրունին ցույց էր տալիս, որ այդ սահմանադրության հիմքում ընկած է հպատակ ժողովուրդներին հարստահարելու և հնչելու ավանդական սկզբունքը: «Քաղաքական անձնասսյանություն» առաջնորդողում բացահայտվում են դանուբյան վիլայեթներում բուլղարացի ապստամբների նկատմամբ Միղհատի ձեռնարկած բարբարոսական միջոցները<sup>28</sup>: «Մշակը» ծաղրեց Փարիոում ապաստանած Միղհատին, որի նամակը տուպարվել էր «Թայմսի» էջերում: Այստեղ նախկին սադրաղամբ ձղնում էր Բուլղարիայում խաղաղ բնակչության հանդեպ թուրքական բանակի անգթությունները վերադրել ոուսական զորքերին և բուլղարացիներին<sup>29</sup>: Նման մերկացումները հետապնդում էին մեկ նպատակ. ցույց տալ, որ թուրքական սահմանադրությունը ամենևին չի փոխում «նոր օսմանների» քաղաքակրթության սնգուրով պատած, բայց վաղեմության կնճիռներով չի բռնակալի դեմքը:

1877-ին Արծրունին արդեն կանխատեսում էր, որ Հայկական հարցը, որպես Արևելյան հարցի մի մաս, պետք է դառնա միջազգային քննարկման առարկա: Թերթն այս նպակցությամբ ձղտում էր եվրոպական ժողովուրդների ուշադրությունը բեռել արևմտահայերի կացության վրա: Մի հողվածում Արծրունին հիշում է 1876-ին հրատարակած իր «Արևելյան հարց» (ռուսերեն) գրքույկը, որտեղ Արևելյան ինդիրը համարում է ոչ միայն սլավոնության և ուղղափառության, այլև ընդհանրապես քաղաքակրթության իրենևիր, ճնշված ժողովուրդների աղատագրական պայքար՝ ընդդեմ բռնակալու-

25 Ю. А. Петросян, Младотурецкое движение, М., 1971, էջ 129:

26 «Մշակ», 1877, № 17:

27 Նույն տեղում, 1878, № 18:

28 Նույն տեղում, 1877, № 45, 54:

29 Նույն տեղում, № 54:

թյան<sup>30</sup>: «Այսօր վեր կացան նվրուպական Թուրքիայի հպատակները, հինդուստանը տարուց հետո վեր կկենան ասիական Թուրքիայի հպատակները»<sup>31</sup>, — գրում էր նա: Եվրոպական հասարակական կարծիքի առջև արևմտահայերի միճակո բացահայտելու համար «Մշակը» հայ մտավորականությանը առաջարկում էր հանդես գալ օտար պարբերականներում: Սրանից շուտ է ետրակացնել, թե «Մշակը» պատերազմի տարիներին պատրանք է ունեցել արևմտահայերի հանդեպ նվրուպալի բարյացակամության վերաբերյալ: Ընդհակառակն, թերթը որոշակիորեն սահմանազատում էր եվրոպական հասարակական կարծիքը պաշտոնական քաղաքականությունից և ձգտում էր առաջինի ներգործությանը՝ երկրորդի վրա: Կայսրության ճնշված ազգերի նկատմամբ Անգլիայի և Ֆրանսիայի վարած քաղաքականությունը «Մշակը» բացատրում էր նրանց նվաճողական նպատակներով<sup>32</sup>: «Հայաստան և Եվրոպա» առանորդողում թերթը ճիշտ բացատրություն է տալիս Թուրքիայուս եվրոպական տերությունների հակառուսական քաղաքականությանը: Ո՛չ Անգլիան և ո՛չ Ֆրանսիան, պնդում էր նա, երբևէ չեն մտահոգվել արևմտահայերի ծանր կացությամբ, նրանք գործել են իրենց շահերի տեսանկյունից և Թուրքիայի օգտին, ուստի իրավունք չունեն որոշելու ժողովրդի ճակատադիրը<sup>33</sup>: «Թուրքիան» հողվածում «Մշակը» նշում է, որ անգլիացիները գինում են թուրքական բանակը, ֆինանսական արյուն մղում նրա երակների մեջ, ինչպես և օգնում նրան՝ ձեռնելու պայքարի ելած հպատակներին<sup>34</sup>: «Մշակն» արտատպել է անգլիական «Թայմսի» մի հոդվածը, ուր ցուցադրվում է Վիեննայի, Բեռլինի, Լոնդոնի և Փարիզի մամուլի թուրքասիրական բովանդակությունը: Այս առթիվ «Մշակը» գրում է. «Առանց այլևայլության կարող ենք ասել, որ ոչ մի օտար տերություն այդքան օգուտ քաղած չէ եվրոպական մամուլի ծառայությունից, որքան Թուրքիան»<sup>35</sup>: Անգլիական «եսական» քաղաքականության ետևում Արծրունին տեսնում էր նրա տնտեսական շահերի առօմղիչ ուժը: Դա է. որ ղրղում է նրան թույլ տալ Թուրքիային՝ ոչնչացնելու հայերին, որպեսզի ամայի ու անմարդաբնակ դառնան իր հսկայական տիրույթների փոքրասիական մատույցները: Հայկական հարցի վճռական լուծումը Արծրունին տեսնում էր Թուրքիայի հայաբնակ նահանգները Ռուսաստանին միացնելու հեռանկարի մեջ: Հակառակ դեպքում նա ենթադրում էր, որ այդ տարածքում կհաստատվի Անգլիան, որն անգթորեն կհարստահարի արևմտահայերին: Եթե Ռուսաստանը շտիրանա այդ հողերին, եպրակացնում էր Արծրունին, ասյա արևմտահայերը ամեն կերպ պետք է ցանան հեռու մնալ «նենգավոր, էսական Անգլիայի ճնշող և հարստահարող ձեռքից»<sup>36</sup>:

Արծրունին անգրադառնում էր արևմտահայերի մասին տպագրվող ոչ համակրական ելույթներին: Այսպես, նա առարկում էր «Ռուսակի վեստնիկ» թերթի այն դիտողությանը, թե հայերը առևտրական ազդ են, և որ նրանք

30 նույն տեղում, № 56:

31 նույն տեղում:

32 Մ. Գ. Ն եր ս ի ս յ ա ն, նշվ. աշխ., էջ 262—263:

33 «Մշակ», 1877, № 30:

34 նույն տեղում, № 64:

35 նույն տեղում:

36 նույն տեղում, № 35:

այդ հատկությունը Արևմտյան Հայաստանում կվնասի ոուսաց շահերին: Արևմտահայերը ոչ թե առևտրական են, այլ հիմնականում՝ երերազործ, գրում է Արծրունին և օրինակ բերում Անդրկովկասի հայերին ու նրանց պերր տեղի տնտեսության դարդացման մեջ<sup>37</sup>:

Հայ ժողովրդին «Մշակը» այս էո անում ամենուրևր օգնել ոուսական գորքերին, ամեն կերպ նսլաստել նրանց առաջխուղացմանը: Մատերազմի հաջող ելքրց է կախված արևմտահայերի ճակատադիրը, պնդում էր Արծրունին. Հետևողական այս դիծր, որ պարում էր «Մշակը», ցույց է աուլիս, որ թերթը յիովին համընթաց էո գնում Ռուսաստանի հանդեպ արևմտահայերի ունեցած իսկական դրացմունքներին, արտահայտում նրանց տրամադրություններն ու խոհերը: Ռուսական գորքերին հայերը դիմավորում էին ցնծությամբ՝ հանձին նրանց տեսնելով իրենց աղատադրական բաղձանքներն իրականացնողներին: Թերթը գրում էր, թե կարսի հայերը խաշվառով են դիմավորել ոուսներին, իսկ մի այլ տեղ՝ վկայակոչում «Եեյլի նյուզ» թերթի թղթակցին, ըստ որի՝ արևմտահայերը «միաձայն և ջերմ կերպով ցանկանում են, որ ոուսաց իշխանություն հաստատվի Հայաստանում. ոուսաց գորքի յուրաքանչյուր հաղթություն յցնում է նրանց սիրտը ուրախությամբ, իսկ... անհաջողությունները այնպիսի տխրություն են պատճառում նրանց, որ կարծես մի նշանավոր դժբախտություն է պատահել»<sup>38</sup>:

«Հալաստանը ինչ պետք է դառնա» առաջնորդողում Արծրունին շարադրել է իր ակնկալիքները ոուս-թուրքական պատերազմից: Այս, ինչպես և «Մշակի» ապադրած այլ նյութերից պետք է եղրակացնել, որ թերթը հավատում էր երկու հնարավոր ելքի՝ Արևմտյան Հալաստանը պամ կմտնի Ռուսաստանի կաղմի մեջ և կամ ձեռք կբերի ինքնավարություն: Թերթը նախապատվությունը տալիս էր առաջին հնարավորությունը, որն ըստ էության նշանակում էր Հայաստանի վերամիավորում: Այս ձգտման հիմքում, փաստորեն, ընկած էին նաև արևելահայ բուրժուազիայի տնտեսական դարդացման անհրաժեշտ միտումները: Աղղային պետության բացակայության պամաններում արևելահայ բուրժուազիան իր հասարանական-տնտեսական նպատակները հանձնում էո ոուսական արտաքին քաղաքականությանը և աղավինում նրան:

Անդրադառնալով ֆեոդալիզմի դեմ ուղղված աղղային շարժումներու ձևավում արտահայտվող կապիտալիզմի վերջնական հաղթանակի պրոցեսին, Վ. Ի. Լենինը նկատում էր. «Այդ շարժումների տնտեսական հիմք ալն է, որ ապրանքալին արտադրության կատարյալ հաղթանակի համար անհրաժեշտ է. որ բուրժուազիան նվաճի ներքին շուկան, անհրաժեշտ է պետական համախմբում ալն տերիտորիաների, որոնց բնակչությունը խոսում է միևնույն լեզվով...»<sup>39</sup>: Այս իմաստով «Մշակը» Ռուսաստանի օգնությամբ: Արևմտյան Հայաստանը ազաաադրելու և աղղային վերամիավորման հարցում փաստորեն արտահայտում էո ալն ամբողջ առաջադիմականը, որ ի վիճակի էր առաջ քաշել արևելահայ բուրժուազիան:

37 նույն տեղում, № 54:

38 նույն տեղում, № 60:

39 Վ. Ի. Լենին, Երկեր, հատ. 20, էջ 493:

Մյուս հնարավոր ելքի՝ Արևմտյան Հայաստանի ինքնավարության ապահովումը Արծրունին դարձյալ կապում էր Ռուսաստանի հետ՝ նշելով, որ այս արցում արևմտահայերի հույսը դարձյալ Ռուսաստանի վրա է: Ռուսների Սան-Ստեֆանո մտենյուց հետո արևմտահայերը բուռն կերպով արտահայտում էին իրենց անվերապահ համակրանքը և հույսերը Ռուսաստանի հանդեպ: Կ. Պոլսում ժողովուրդը մի շարք ցույցերով դրսևորել էր իր նվիրական պահանջները<sup>40</sup>: «Մշակը» ծանուցում էր, որ Օրթագյուղի թատրոնում Գ. Աղամյանը՝ «առաջին կարգի դերասանը» «շարժումներով պիտի կարդա նախանշանների երգը, ինչպես ուրիշ անգամ այ կարգացած է Պատկանյանի «Հիմի էլ լուենքը»<sup>41</sup>: Հիրավի, միևնույն օրը հագեցած էր Ռուսաստանի միջոցով մոտալուտ ապատագրման սպասելիքներով:

1877-ի վերջերին, նվազագույն միջազգային իրադրությունից, ռուսական արաբին քաղաքականության մեջ Բալկանների առաջնակարգ նշանակությունից և դրա դիվանագիտական դրսևորումներից, «Մշակն» ավելի բարձր և համարում Արևմտյան Հայաստանի ինքնավարությունը: Արծրունու այս խոհերն արտահայտվեցին դեռևս 1877-ի օգոստոսին գրած «Արևելյան իւրն-դիրը» առաջնորդում: Եվրոպայի հասարակական կարծիքը ի նպաստ արևմտահայերի ուղղելու «Մշակը» ջանքերը, որ նշեցինք վերը, ըստ էության հետամտում էին Արևմտյան Հայաստանի ինքնավարության հետ կապվող հարցի բարեհաջող լուծումը: Արծրունին ենթադրում էր, որ ինքնավարության խնդիրները պետք է դառնային միջազգային քննարկման առարկա:

Սան-Ստեֆանոյի դաշնագիրը, փաստորեն, տալիս էր առավել քիչ հնարավորություններ, քան կարծում էր Արծրունին: Սակայն պատերազմի ամբողջ ժամանակաշրջանի անդուլ զորքունեությունը, արևմտահայերի ազատագրման հույսերից սնվող հրապարակախոսական կիրքը և, ի վերջո, խիստ շոշափելի թվացող հույսերը Ռուսաստանի ազատագրական դերի նկատմամբ, այս ամենը պատճառ դարձան, որ Սան-Ստեֆանոյի դաշնագիրը Արծրունին դնահատեր շատ ավելի լայն բովանդակություն վերագրելով դրան, քան կար իրականում: Դաշնագրի «տեղական սահմանների համեմատ բարենորոգումներ իրադրծելու մասին» ձևակերպումը նա բովանդակում էր ինքնավարության իմաստով. «Քրիստոնյա նահանգապետ, սեփական քաղաքային և գյուղական վարչություններ, կայսրի և անձնական ապահովություն, կալվածների ազատելի թուրք և քուրդ բեյերի ավատական իշխանությունից, սեփական կամ խառն դատարաններ, դատաստանի առջև քրիստոնյաների և մահմեդականների հավասարությունը, ուսումնարանների ազատությունը, ամբողջ երկրից Խուրբիային տրվող արևելյան որոշված հարկը... Մի խոսքով այն բոլորը, որ վերաբերվում է նահանգական ինքնավարության հաստատվելուն»<sup>42</sup>, — գրում էր Արծրունին: Բացի այդ, սա արևմտահայերին առաջարկում էր սահանջել սեփական սահապան զորք ունենալու իրավունք՝ քրդերից և չերքեզներից պաշտպանվելու համար: Եթե հաշվի առնենք այն, որ հայկական նահանգական ինքնավարության նշված սկզբունքները գրեթե համապատասխանում էին Արևմտյան Հայաստանի՝ պատրիարքի ներկայացրած վար-

40 Լ և ո. Գրիգոր Արծրունի, հատ. 3, Թիֆլիս, 1905, էջ 42.

41 «Մշակ», 1878, № 43.

42 Նույն տեղում, № 37.

չական կառուցվածքին<sup>43</sup>, ասլա սլետք է եղրակացնել, որ դաշնագրի մեկնա-  
յանման գործում «Մշակը» և Կ. Պոլսի հայ գործիչները համամետ են եղել  
և որ տարածայնությունները սրանց սրջև սկսվել են Բեռլինի կոնգրեսին ան-  
միջապես նախորդող ժամանակաշրջանում:

Ռուս-թուրքական պատերազմի վերջերին Արևմտյան Հայաստանում տե-  
ղի ունեցող գեղքերը նոր տագնապներով էին համապսլու «Մշակին» և նրա  
շուրջ խմբված զսրծիչներին: Էրդրումի, Բասենի, Ալաշկերտի և այլ վայրերի  
բնակիչների վանգվածային դաղթը՝ նաև ոչ միայն Ռուստատան<sup>44</sup>, նրանց  
դրդում էր կրկին շափակշոել ոչ վաղ անցյալի իրադարձությունները: Այս  
ապամաններում թերթի խոհերը դարձյալ ուղղվում են դեպի ազատագրական  
պայքարի գաղափարը: Պարբերականի առաջնորդողներից ու արտաքին տե-  
սություն նյութերից տարզ է դառնում աերությունների բնդդիմադիր գիրքը  
Հայկական ինքնավարության նկատմամբ: Այսպես է. որ «Մշակի» խմբա-  
պիրը կասկածանքով էր համակված անարյուն ինքնավարություն ստանալու  
վերաբերուալ: «Եթե Թուրքիայի հայերը ապստամբվեին բոսնիացիների, հեր-  
ցեգովինցիների և բուլղարների պես, պատերազմի վերջանալուց հետո Թուր-  
քաց տերությունը կտար նրանց իրավունքներ, կշնորհեր նրանց այն արտու-  
նությունը... ուրեմն հայերը ոչինչ չշահվեցան, որ շտպստամբվեցան»<sup>45</sup>.—  
դրում էր նա:

Ստեղծված պայմաններում «Մշակն» սուաջարկում է հաստատակամ  
գիրք գրապլի պիվանագիտական անձանոթ և դժվարին ուլիներում, Բեռլին-  
նի կոնգրեսում հարուցել Հայկական հարցը: Թերթն այս տեսակետից կա-  
տարում է որոշակի քայլեր՝ արտասահմանի մամուլից արտատույում է Պե-  
սերբուրդ և Բեռլին մեկնած հայ պատվիրակների կենսագրականները,  
քննարկում և քննադատում է Արևմտյան Հայաստանի բարենորոգումների՝  
կոնգրեսին ներկայացված նախագիծը: Այդուհանդերձ, ռուս-թուրքական  
պատերազմի ավարտին «Մշակը» վերագառնում էր նույն սկզբունքին, ին-  
տուաջադրում էր դրա սկզբում՝ ազատագրական պայքարի վճռական նշանա-  
կության բնդդումը: Այս իմաստով և՛ Հայկական հարցի՝ միջադրային իրա-  
վունքի իճճված բավիղները մուտք դործելու, և՛ արևմտահայերի մշակու-  
թաին-լուսավորական գործունեության վերաբերյալ պատկերացումներն  
ունեին բնթացիկ, թերթի գիրքորոշումը միայն մասնակիորեն լրնութագրող  
նշանակություն: Առաջնասարգը մնում էր ազատագրական կովի դաղափարը.  
«Մի ազդ,— գրում էր Արծրունին,— որ բնակվում է հափշտակիչ ավազակ-  
ների շրջանում, եթե չէ կամենում կորչել, անհետանալ, ջնջվել աշխարհի  
երեսից, սլետք է նույն միջոցներով, նույն դենքով պայտուպանե իրան, ինչ  
միջոց և դենք գործ են ածում նրան շրջապատող վայրենի ավաղանները  
այն սղզր ջնջելու համար»<sup>46</sup>:

43 Մ. Գ. Ներսիսյան, սղ. աշխ., էջ 52:

44 R. Mirak, Outside the Homeland, „Recent Studies in Modern Armenian History“, Massachusetts, 1972, էջ 119:

45 «Մշակ», 1878, № 51:

46 նույն տեղում, № 82:

## ГАЗЕТА «МШАК» В ГОДЫ РУССКО-ТУРЕЦКОЙ ВОЙНЫ 1877—1878 гг.

Кандидат филол. наук А. А. ХАРАТЯН

(Резюме)

Во время русско-турецкой войны 1877—1878 гг. газета «Мшак» пропагандировала идеи освободительной борьбы западных армян против турецкого ига. В материалах газеты отразилась русская ориентация западных армян, их надежды на освобождение с помощью России. Редактор и сотрудники газеты сумели обосновать экономические и политические мотивы этой ориентации и ее исторические основы. Газета подвергла основательной критике турецкую конституцию 1876 г., выявила шовинистические цели и политику «новых османов» по отношению к другим народам Турции и показала причины оторванности турецких реформаторов от угнетенных народов Османской империи.